



N გ-20-03/1004
16/03/2020

1004-გ-20-03-2-202003161713



შპს „ბათუმი ტვ 2“-ის დირექტორს

ბ-ნ მ. შანიძეს

შეტყობინება

2020 წლის 6 მარტს შპს „ბათუმი ტვ 2“-ის წერილთან დაკავშირებით, რომლითაც ითხოვდით ავტორიზაციის გავლას ინტერნეტითა და მაუწყებლობის გავრცელების სხვა ტექნოლოგიებით უფასო გასართობ ტელემაუწყებლობაზე კომისიამ 2020 წლის 9 მარტს წერილობით განგიმარტათ, რომ მაუწყებლობის სფეროში ავტორიზაციის გასაველელად კომპანიამ უნდა შეავსოს კომისიის 2012 წლის 22 ივნისის №431/22 გადაწყვეტილებით დამტკიცებული განცხადების ფორმის დანართი №2. განცხადებას უნდა დაურთოს მასში მითითებული თანდართული დოკუმენტაცია სრულყოფილად. კომისიამ ზემოაღნიშნული ინფორმაციის წარმოდგენისთვის შპს „ბათუმი ტვ 2“-ს განუსაზღვრა 5 სამუშაო დღის ვადა (წერილი №გ-20-03/853, 09.03.2020წ.).

შპს „შპს „ბათუმი ტვ 2“-ს მიერ 2020 წლის 13 მარტს წარმოდგენილ დაზუსტებულ განცხადებასთან დაკავშირებით გაცნობებთ, რომ განცხადების მე-6 და მე-8 პუნქტები შეუსაბამოდ არის შევსებული, კერძოდ მე-8 პუნქტში მითითებულია ციფრული მიწისზედა სატელევიზიო ქსელი - ღია (უფასო) მაუწყებლობა, მაშინ როდესაც აღნიშნული ტექნოლოგია არ წერია განცხადების მე-6 პუნქტში.

განცხადებაზე თანდართულ დოკუმენტებში არ არის წარმოდგენილი მნიშვნელოვანი წილის მფლობელ პარტნიორთა/აქციონერთა ქონებრივი დეკლარაცია და საერთო ტელემაუწყებლობის კონცეფცია. ხარვეზით არის წარმოდგენილი:

- ა) შესაბამისობის დეკლარაცია. მასში მითითებული ინფორმაცია არ ემთხვევა მეწარმეთა და არასამეწარმეო (არაკომერციული) იურიდიული პირების რეესტრიდან ამონაწერში არსებულ ინფორმაციას;
- ბ) ცნობა განცხადებული საწესდებო კაპიტალის, მისი განადგებული ნაწილის, აქტივებისა და პასივების შესახებ არ არის დადასტურებული აუდიტორული კომპანიის მიერ;
- გ) ინფორმაცია საწესდებო კაპიტალისა და აქტივების საკუთრებისა და წარმოშობის შესახებ; ფორმაში შეტანილია 2010-2016 წლის ინფორმაცია, მაშინ როდესაც კომპანია დაარსდა 2017 წელს.

დ) განსახორციელებელი საქმიანობის დაფინანსების გეგმა და ინფორმაცია დაფინანსების წყაროების შესახებ; არ არის მითითებული რა პერიოდზეა გაწერილი გეგმა ასევე მასში არ არის ასახული მაუწყებლობის დაწყებისთვის საჭირო ხარჯები.

„მაუწყებლობის შესახებ“ საქართველოს კანონის 45¹ მუხლის მე-5 პუნქტის შესაბამისად თუ საავტორიზაციო განცხადება და თანდართული დოკუმენტაცია არასრულყოფილადაა წარმოდგენილი, კომისია ავტორიზაციის მსურველ პირს დოკუმენტაციის სრულყოფილად წარმოდგენისათვის განუსაზღვრავს 5 სამუშაო დღის ვადას. ამ ვადაში დოკუმენტაციის წარმოდგენლობის შემთხვევაში ავტორიზაცია არ განხორციელდება. ავტორიზაციის განუხორციელებლობა არ ართმევს პირს უფლებას, განმეორებით მიმართოს კომისიას ავტორიზაციისათვის.

ზემოაღნიშნულიდან გამომდინარე იმის გამო, რომ შპს „ბათუმი ტვ 2“-ს განსაზღვრულ ვადაში კომისიაში სრულყოფილად არ წარმოდგენია საავტორიზაციო განცხადება და მასზე თანდართული დოკუმენტაცია 2020 წლის 19 მარტს 15:00 საათზე, მისამართზე: 0144 ქ. თბილისი, ქეთევან წამებულის გამზ./ბოჭორმის ქ. №50/18, გაიმართება კომისიის სხდომა, სადაც განიხილება საკითხი შპს „შპს „ბათუმი ტვ 2“-ისთვის მაუწყებლობის სფეროში ავტორიზაციაზე უარის თქმის თაობაზე.

ამასთანავე, გაცნობებთ, რომ საქართველოს ზოგადი ადმინისტრაციული კოდექსის 98-ე და 99-ე მუხლების შესაბამისად, უფლება გაქვთ კომისიას წარუდგინოთ მტკიცებულებები, აგრეთვე შუამდგომლობები საქმის გარემოებათა გამოკვლევის თხოვნით, გაეცნოთ ადმინისტრაციული წარმოების მასალებს, მოითხოვოთ ადმინისტრაციულ წარმოებაში არსებული დოკუმენტების და სხვა მასალების ასლები.

დამატებით გაცნობებთ, რომ ქვეყანაში შექმნილი მდგომარეობის გათვალისწინებით, საქართველოს მთავრობის რეკომენდაციის შესაბამისად, კომისია გადადის დისტანციური მუშაობის რეჟიმზე. კომისიის სხდომაზე დისტანციურად დასწრების მიზნით, გამოგეგზავნებათ სპეციალური ბმული (ლინკი), კომისიისთვის ცნობილ და თქვენს მიერ დაფიქსირებულ ბოლო ელ. ფოსტის ან/და მობილური ტელეფონის ნომერზე. შესაბამისად, გთხოვთ, შესაბამის ელექტრონულ პორტალზე (<https://eforms.gncc.ge>) უმოკლეს ვადაში განაახლოთ ან/და კომისიის ოფიციალურ ელ. ფოსტაზე (post@gncc.ge) მოგვაწოდოთ თქვენი საკონტაქტო მონაცემები (ელ. ფოსტა, მობილური ტელეფონის ნომერი), წინააღმდეგ შემთხვევაში, კომისია იხელმძღვანელებს მის ხელთ არსებული ბოლო საკონტაქტო მონაცემებით, რომელზეც შეტყობინება ჩაითვლება ოფიციალურად გაგზავნილ შეტყობინებად, ყველა თანმდევი სამართლებრივი შედეგით. ამასთანავე გაცნობებთ, რომ კომისიის შესაბამისი შეტყობინებები და გადაწყვეტილებები ამავდროულად გამოქვეყნდება კომისიის ოფიციალურ ვებგვერდზე (www.gncc.ge).

2020 წლის 19 მარტის კომისიის სხდომის წარმართვის ფორმის ცვლილების შემთხვევაში გაცნობებთ დამატებით, შესაბამის ინსტრუქციებთან ერთად, წინააღმდეგ შემთხვევაში, სხდომა გაიმართება ჩვეულ რეჟიმში და უფლებამოსილი ხარტ თქვენი პოზიცია წარმოგვიდგინოთ წერილობით, სხდომაზე გამოუცხადებლად.

პატივისცემით,

ოლია ვოტ



ადმინისტრაციის უფროსი
ადმინისტრაცია

